



Pran pozisyon w lè moman an pi nesèsè a

Chè Nouyòkè,

Mwa pase a, nan espas kèk jou, nou te fè eksperyans de evènman ki te fè nou reyalize pouvwa lanati. Premyèman, yon tranbleman tè —souke—nou vrèman. Kèk jou apre, yon eklips solè te pase atravè senk borough yo.

Nan de ka sa yo, kenbe elèv yo ansekirite se te efò tout sistèm lan; lidè lekòl nou yo, enjenyè gadyen, manm estaf, chofè otobis, pwofesè, ak lòt estaf ankò, tout moun te kontribye. Mwen rekonesan pou repons rapid ak repons enfatigab yo.

Ane sa a, lanati raple nou plizyè fwa pouvwa li genyen epi nou wè kominote lekòl nou yo ki pran mezi chak fwa. An janvye, yon gwo van aktanpèt lapli te fòse Nouyòkè ki fèk rive yo soti kiteabri pwovizwa (shelter) yo. Elèv yo ak manm estaf nan James Madison High School te ajije byen vit epi ki bliye tèt yo pou asire fanmi sa yo te jwenn yon kote ansekirite pou ale jiskaske move tan te pase, chofè otobis nou yo te kondui fanmi yo nan lekòl la epi retounen avèk yo nan shelter yo. Manm estaf, gadyen ak ajan sekirite nan lekòl nou an te sipòte bilding lan ak kominote a.

Nan Sunnyside, Queens, lè yon gwo dife te eklate nan yon apatman an desanm te deplase plizyè douzèn fanmi nan sware a; The Children's Lab School te louvri pòt li pou bay shelter an ijans, epi Aviation High School te vin sipòte ak distribye èd nan demen.

Epi anwo nan Bronx, an desanm tou, nou te wè kominote MS 390 la rasanble bòkte tout moun bilding ki te efondre a te afekte . Gras ak repons rapid lidè lekòl yo, lekòl la te sèvi kòm shelter pwovizwa pou moun ki te deplase yo epi yon sant pou Lakwa Wouj jere efò sekou.

Pèsonn pa konnen kilè oswa kibò pwochen ijans lan pral fèt, men ekip operasyon nou yo ak lidè lekòl yo pre ak ak prepare. Lekòl nou yo se pilye katye nou yo, epi sa a pi vre toujou nan yon moman kriz.

Mwen vle remèsye tout moun sa yo k ap fè lekòl nou yo fonksyone ansekirite chak jou. Lè fanmi nou yo ak kominote nou yo nan bezwen, lekòl nou yo la pou ede.

Plane wo,

David C. Banks

Chanselye

Videyo aktyalite nou an:



Si w bezwen tradiksyon, tanpri ale sou [Paj YouTube](#) nou an.

Suiv nou sou entènèt nan [X](#), [Facebook](#), ak [Instagram](#) pou jwenn nouvèl ki pi resan an sou NYCPS.

Epi men [videyo Majistra Eric Adams pou semèn lan](#). Si w enterese resevwa nouvèl ki soti dirèkteman nan Biwo Majistra a, [tanpri klike la a](#).

Pou jwenn aksè nan soutit ki tradui: Klike sou ikòn “CC”. Klike sou ikòn “Setting” epi chwazi “Subtitles/CC” (“soutit/CC”). Seleksyone “Auto Translate” (“Tradiksyon otomatik”) epi chwazi lang ou a.

Fanmi NYCPS: Si w pa vle resevwa bilten nouvèl PS+You ankò, tanpri [retire non w sou lis la](#).